

La doturia Grete Mahlkecht é demez en chëst'edema dai 12 ai 14 de messé y vëgn sostituida dala doturia Lodovica Mattioni 328 85 90 842.

Le dotur Eduard Agreiter é demez l'atr'edema, dai 19 ai 23 de messé y vëgn sostituì dala doturia Grete Mahlkecht 349 06 67 034

COMUN: A San Martin él gnü arjigné sot la scora dlungia la ütia por i sac dal ciomënt ince na bot por le refodam biologich por privac; al vëgn recordé ch'al pó ma gní sciuré ite resc di pasé (laprò cern, pësc y de pici osc), resc d'ordöra y verzöra, filtri café y te, ciüfs, resc d'urt (erba, fëies, rames), cëinder, mo nia refodam da tosser, materiali de plastiga y nylon, öri y grasc, escremënc de maius tiers de ciasa (cians y iac), toc de plantes colpides da maraties.

COMUN. Le Comun á l'intenziun da tó sö por i agn de scora 2021/022 y 2022/23 n/na cogo/cöga por la refeziun de scora da Lungiarü - IV. cualifica funziunala cun contrat a tēmp determiné. Les domandes de assunziun mēss gní dades jö al ofize protocol dl Comun de San Martin de Tor cina en vëndres, ai 16 de messé 2021 dales 12.00. Por informaziuns pón damanè l'ofize personal dal lönesc ala jöbia dales 08.00 ales 12.30 tel. 0474 524378.

CIASA DE PALSA: L'Unité Pastoral Val Badia é responsabla por la pastoral tla Ciasa de Palsa, porchël vëgnel chirí porsones da fá de pici sorvisc tl ciamp religiüs: sorvisc da mone, cianté tratan les mēsses, partí fora la comuniun, dí dant la corona, tigní val' funziun, s'la cunté y perié cun mēdes y berbesc, y i.i. Ai 26 de messé da sēra vëgnel tigní na reuniun cun chi che se mēt a desposiziun por partí sö i sorvisc, aladò dles preferēzes y dles capacités de vignun/öna. Chi ch'é disponibli é bel periá da ti comuniché l'inom al/a president/a dl Consēi de Cöra de so paisc o a Annamaria Fiung (tel 347 5277810). La Ciasa de Palsa nes reverda düc. N gran dilan. *L'Unité Pastorale Val Badia*

SAN MARTIN

Al vëgn indô sié la cortina en dedemesaledema, 14 de messé, dales 17.00 inant. Chi che á dlaurela é bel periá da gní a daidé, da bur temp la jöbia.

Injuntada a chësta plata ciafëise **na comunicaziun** dl Consēi de Cöra.

LUNGIARÜ

Prëibel do le **contribut por la ploania de 20 euro** porom, tuc fora i studënc, che vëgn trat ite les domēnies ai 11 y 18 de messé do mēssa te calonia.

Griliada dl'Uniun di Seniors it'en Muntcörta incö domēnia 11 de messé dales 12.00. Al é da paí 5 € por porsona. (Da bur tēmp tl frabicat dla segra).

La Uniun dles Ēres inviëia families, geniturs cun mituns y mitans en meretes, 13 de messé, dales 15.00 inant ite a Punt da Rü Fosch a **sté en compania**.

DE DI MORINS ai 14, ai 21 y ai 28 de messé, ai 4 y ai 25 d'agost y al 1 de setēمبر (de merui): Ativités por gragn y pici tla Val di Morins dales 10.00 ales 18.00. Danmisdé vijita al lüch d'Oriana, vijita di morins y mostra coch'al vëgn fat pan. Domisdé ativités por mituns y mostra da intaié cun siëia a motor (tla strada Santa Lizia 5). Le program é da ciafé tl ofize turistich.



www.valbadiaonline.it/comunita

Plata dles Ploanies San Martin y Lungiarü

ploan Klaus Sottas 344 15 54 055 - klstottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



11.07. - 18.07.21 nr. 33

15ª DOMÈNIA IA POR L'ANN B

Vangele do Merch 6,7-13


Te chël tēmp Gejü cherdè i dodesc y i à menè fora dui a dui.
Al ti à dè la potesté de parè fora i spiric impurs, y ti à racomanè de ne se tó, ater co na maza, nia cun èi sön tru,
degun pan, degöna tascia de proviant, degügn scioldi tla centöna,
degöna secunda ciameja y ti pîsc mâ sandai. Y al ti à dit:
Restede te chë ciasa, olach'i storjéis pro, cina ch'i jëis inant.
Sc'i ne gnëis indere nia tuc sö te n post, y an n'ô nia ves ascutè,
spo jide inant y scassede jö le stöp da üsc pîsc,
por testimonianza cuntra d'èi.
I dodesc s'á metü sön tru
y cherdâ la jënt ala converjiun.
Ai parâ fora tröc demonns
y unjô n gröm de amarà cun öre y i varî.



*Gejü prëia sù discepui da jí a fá misciun te na manira particulara.
Al ti dá dant le guant ch'ai dess se vistí y ince ci ch'ai ne dess nia se tó do.
Y ince co ch'ai dess se comporté, se scassé jö le stöp y ne condané degügn.
D'un n vers lascé ia y impó se salvé súa dignité.
I dodesc se mēt sön tru y fej tröp de bëgn.*

*Le monn á debojëgn dla Dlijia; chësc é tler por Gejü.
Sc'al ó ester dötes les strotöres, düc i stüdi y dotrines, lasciunse da na pert.
Al é n gröm de jënt che adora parores y opres che salva y che varësc.
Al n'é nia important che la jënt, ch'an dëida, crëies te Chël Bel Dî.
Mo al é debojëgn che chës porsones, che ti vá pomez, vëighes so sorvisc sciöche n sorvisc a Chël Bel Dî.*

*An n'á nia bria da baié, an pó ince le fá chitamënter zënza cunté de Chël Bel Dî,
sc'an operëia te so Spirit. Dlijia ó dí operé tl Spirit de Dî.
Insciö él debojëgn dla Dlijia incö y ince ciamó indoman. (Image)*

EDEMA	SAN MARTIN	LUNGIARÜ	Incö ai 11 de messé recordunse san Benedèt da Nursia che nasciü incër l'ann 480 y é mort l'ann 547. Al â studié a Roma "artes liberales". Desplajü dla vita desliada dla cité él jü a vire por trèi agn da eremit y á metü man da se mëte adöm cun compagns te na vita de convënt. Do deplü dificultés tl scomenciamënt ál fondé le convënt de Monte Cassino olach'al á scrit süa regola por la vita conventuala, che é diventada la regola di convënc di beneditins. Ai s'á defata deslarié fora sura döta l'Europa y á fat dër tröp por la cristianisaziun, la zivilisaziun, l'agricultöra, la sciënza y la cultura de nosc continënt. A funz dla regola stál la desponibilité da ascuté, les virtus dl amur y dla obediënza, dl chêt y dl'umilté, l'ardur por la liturgia, la ciarité y la pesc danter i fratri, le fistide por i debli y i amará dla comunité, l'acoliënza di ghesc, di foresc y di püri che tlocora a porta dl convënt. La spiritualité é conzentrada sön Gejú Crist y sön l'atenziun por vignun y por la comunité. Papa Pio XII l'à nominé <i>Pere dl'Europa</i> y Paul VI l'á detlaré <i>Patron dl'Europa</i>. Da san Benedèt vëgn la racomanaziun "Ora et labora!", che ti dá importanza ala contemplaziun combinada cun la dignité dl laur. 
11.07.21 15ª DOMËNIA - ann B Benedèt da Nursia	9.00 Corona 9.30 Gran Mëssa por la comunité cun benedisciun dl tëmp en onur dl Angel Custode dl ann + Erna Frenner + Moritz Castlunger (dl ann) + Tile Castlunger (dl ann)	7.55 Corona 8.15 Gran Mëssa por la comunité cun benedisciun dl tëmp aniv. + siur Fonjo Clara 15.00 Corona tla capela de S. Ojöp Fr.	
12.07.21 Lönesc Ermagora y Fortunat			
13.07.21 Dedolönesc <i>Heinrich, Cunigunda, Joel</i>	19.00 Mëssa + Hannele Videsott Flöss en onur y rengraziamënt di Sanc Inoms		
14.07.21 Dedemesaledema <i>Camil da Lellis, Roland</i>		7.30 Mëssa + + Franz y Veronica Costa, Ustí Vedl por le püres Animes	
15.07.21 Jöbia <i>Bonaventura, Balduin</i>	7.30 Mëssa + + Perpetua y Rita Rubatscher en onú de Sant Ojöp da Nazaret Corona por Vocaziuns		
16.07.21 Vëndres <i>Santa Maria dl Carmel, Carmela</i>	18.30 Adoraziun chîta 19.00 Adoraziun deboriada	7.30 Mëssa + + de fam. Martin Clara + + + Carlo, Roslinda y Iaco Deiaco	
17.07.21 Sabeda <i>Alejio, Charlotte, Hedwig</i>	20.00 Mëssa prefestia + + Guido y Emma Clara, Laguscel dl ann + Alfred Videsott	18.30 Mëssa prefestia dl ann + Carlo Planatscher aniv. + Rita Dapoz + Albina Clara, Aijus	
18.07.21 16ª DOMËNIA - ann B	9.00 Corona 9.30 Gran Mëssa por la comunité cun benedisciun dl tëmp + Dorotea Prousch Gasser (dl ann) ++ dles families Erlacher dl Cheder por + Giovanni Flöss y familia	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de Sant Ojöp Fr.	